



Vedtekter for FNF Sogn og Fjordane

Org.nr. 975682900

Vedtatt 6.mars 2018

§ 1 Namn

Namnet på foreininga er Forum for natur og friluftsliv i Sogn og Fjordane (FNF Sogn og Fjordane)

§ 2 Organisasjonstilhøyre

FNF Sogn og Fjordane er tilslutta Forum for natur og friluftsliv (FNF) nasjonalt og skal drive sin verksemd i tråd med det til ein kvar tid gjeldende styringsdokument for drift av FNF.

§ 3 Formål

FNF er eit samarbeidsforum mellom natur- og friluftslivsorganisasjonane på fylkesnivå. Formålet med FNF er å styrke organisasjonane sitt arbeid med å ivareta natur- og friluftslivsinteressene i aktuelle saker i dei enkelte fylka.

§ 4 Tilslutta organisasjonar

Alle organisasjonane i fylket som er tilslutta medlemsforeiningar i Norsk Friluftsliv, Norges Naturvernforbund og Friluftsrådenes Landsforbund har rett til å bli medlem. Innmelding skjer ved å underteikne tilslutningserklæring. Andre organisasjonar kan, etter å ha gitt sin tilslutningserklæring til styret, tas opp i forumet på årsmøtet etter innstilling frå styret.

Ved årsmøtet 2. mars, 2017 har FNF Sogn og Fjordane følgjande medlemmer:

- Vedlegg 1

Dersom ein tilslutta organisasjon ønsker å melde seg ut, gjeres det med ein skriftleg utmelding til styret i FNF Sogn og Fjordane. Utmeldinga gjeld frå dato for utmeldinga. Organisasjon som melder seg ut har ingen krav på nokon del av foreininga sine midlar.

§ 5 Juridisk eining

FNF Sogn og Fjordane er organisert som foreining. Foreininga er sjølveigande og frittståande juridisk eining med upersonlig ansvar for gjeld.

§ 6 Årsmøte

Årsmøtet er FNF Sogn og Fjordane sin høgaste mynde og skal haldast kvart år innan 15. mars. Årsmøtet kallast inn av styret med minst 2 månaders varsel. Saker som ønskast handsama på årsmøtet, må vere sendt inn til styret minst 4 veker før årsmøtet. Sakspapir sendast ut 2 veker før årsmøtet. Saker som ikkje er ført opp i innkallinga, kan ikkje handsamast av årsmøtet med mindre det er saker som er avgjerande for FNF sitt arbeid og samtlege medlem er representert og einstemmig samtykker til dette i samband med godkjenning av dagsorden. Årsmøtet består av alle organisasjonane som har underteikna tilslutningserklæring og som er tatt opp i FNF Sogn og Fjordane.

Årsmøtet skal:

- Godkjenne innkalling og dagsorden
- Godkjenne årsmelding
- Godkjenne årsrekneskap
- Vedta årsplan
- Vedta tilslutning av nye organisasjonar
- Tilslutta organisasjonar vel sine medlem med varamedlem til styret og konstituerer seg sjølv.
- Velje revisor

- Vedta eventuell eksklusjon av medlemmer

I årsmøtet stemmast det med éin stemme pr. tilslutta organisasjon. Avstemming avgjerast med simpelt fleirtal.

§ 7 Ekstraordinært årsmøte

Ekstraordinært årsmøte haldast når styret bestemmer det, eller minst 1/3 av de tilslutta organisasjonane krev det.

Det kallast inn på same måte som for ordinært årsmøte, med minst 14 dagars varsel.

Ekstraordinært årsmøte kan bare handsame og ta avgjerd i de sakene som er kunngjort i innkallinga.

§ 8 Styret

FNF Sogn og Fjordane leiest av et styre på minst 3 og inntil 7 medlemmer. Styret er høgaste mynde mellom årsmøta. Styret er avgjerdsdyktig når 2/3 er til stede. Styret skal bestå av representantar frå ulike typar organisasjonar. Den Norske Turistforening, Norges Jeger- og Fiskerforbund, Friluftsrådenes Landsforbund og Norges Naturvernforbund bør vere representert dersom de har tilslutta seg FNF i fylket.

Leiarfunksjonen skal gå på omgang mellom organisasjonane og leiar skal ikkje sitte meir enn fire år samanhengande. Ein god kjønnsbalanse i styret er ønskeleg.

Styret har ansvar for å følgje opp vedtak frå årsmøtet og faglig styring av tilsett koordinator i fylket.

Arbeidsgjevaransvar og personalansvar ligg hos FNF nasjonalt, og skal utøvast i nært samarbeid med fylkesstyret.

§ 9 Signaturrett

På vegne av FNF Sogn og Fjordane har styreleiar og daglig leder/ koordinator i fylket kvar for seg signaturrett.

Styret kan når som helst trekke tilbake signaturrett.

§ 10 Eksklusjon

Dersom ein tilslutta organisasjon opptrer openbert i strid med foreininga sitt formål, jf vedtektene § 3, kan årsmøtet vedta eksklusjon etter forslag frå styret eller anna tilslutta organisasjon. Eksklusjon kan ikkje vedtakast uten at organisasjonen har fått eksklusjonsforslag og grunngjevinga til uttale minst tre veker før vedtaket. Eksklusjonen trer først i kraft etter endelig vedtak.

§ 11 Vedtektsendring

Forslag til endringar i vedtektene skal handsamast på årsmøtet i FNF Sogn og Fjordane og krev 2/3 fleirtal. Deretter sendast forslag til vedtektsendringane til FNF nasjonalt for endelig godkjenning.

§ 12 Avvikling

Avviklingsprosessen kan kun settast iverk av det ordinære årsmøtet, og gjennomførast som nemnt under.

Om det ordinære årsmøtet vedtar avvikling med minst 2/3 fleirtal av de avgitte stemmene, kallast det inn til ekstraordinært årsmøte 3 månader seinare. Dette ekstraordinære årsmøtet kan fatte endelig avgjerd om avvikling med 2/3 fleirtal blant dei avgitte stemmene.

Ved avvikling skal gjenverande verdiar, etter at eventuell gjeld er tilbakebetalt, overførast til FNF nasjonalt (org nr 915455174) som fordeler gjenverande midlar i tråd med formålet.

Samanslutning med andre FNF sjåast ikkje som avvikling av verksemda. Vedtak om samanslutning og nødvendige vedtektsendringar i samband med dette treffes i samsvar med bestemming om vedtektsendring, jf. § 11.